



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

CCCXVII. Das Domcapitel verkauft einem Domherrn eine jährliche Geldrente, am 11. Nov. 1377.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

CCCXVII. Das Domcapitel verkauft einem Domherrn eine jährliche Geldrente,
am 11. Nov. 1377.

Hentzo prepositus, Bertramus prior, totumque capitulum ecclesie Brandenburgensis, presentium tenore recognoscimus, quod bene deliberati et unanimi consensu vendidimus et vendimus in hiis scriptis discreto domino Nicolao Plonitz, canonico nostro, tres marcas argenti Brand. et ponderis ad vitam suam, quas singulis annis in festo beati Martini, episcopi et confessoris, sibi vel certo suo nuncio exsolvere debemus sine omni contradictione, pro XXIII marcis dicti argenti et ponderis per ipsum nobis solutis et in reemptionem ville nostre Bukow utiliter per nos conversis. In ejus rei testimonium etc. Datum Brandenborch anno domini M. CCC. LXX septimo, in die beati Martini, episcopi et confessoris.

Nach dem Originale.

CCCXVIII. Der Geistliche Heinrich Jesken erklärt eine Urseide wegen seiner in Brandenburg erlittenen Gefangenschaft, am 15. Jan. 1378.

In nomine domini. Amen. Anno nativitatis ejusdem M. CCC. LXXVIII. indictione prima, die Veneris, XV mensis Januarii, hora sexta vel quasi, pontificatus sanctissimi in Christo patris et domini nostri, domini Gregorii, divina providentia pape undecimi anno octavo, in presentia reverendi in Christo patris, domini Nicolai Constantianensis episcopi, reverendissimi in Christo patris et domini, domini Petri, sancte Magd. ecclesie archiepiscopi, in pontificalibus vicarii, vero non honorabilis et circumscripti viri, domini magistri Bartoldi Cramer de Helmstede, rectoris parochialis ecclesie in magna Rodensleve, Magd. diocesis, meique notarii subscripti et testium infra scriptorum personaliter constitutus discretus vir Hinricus Jeske, clericus Brand. diocesis, quandam scripturam in pergameno propria manu suo conscriptam in medium produxit eamque legit et in ea effectualiter rogavit, remisit, renunciavit, voluit et permisit per omnia in hec verba: Ego Henricus Jesseke, clericus Brand. diocesis, sponte et libera voluntate publice recognosco, quod injuriis seu violentiis, quas mihi Petrus Globbik, Nicolaus Sukelandt et Tyle Strodene, conversi ecclesie Brand. et eorum in parte complices per captivationem, detentionem vel inclusionem et alias mihi inferre voluerunt et intulerunt totaliter propter amicabilem compositionem mihi factam, eis remitto et propter deum nunquam ulterius persecuturus eosdem et renuncio omni actioni et juri contra eosdem premissorum occasione mihi competenti et competere possit in futurum, nec non liti et controversie, quas premissorum occasione contra predictos et prepositum ceteroque canonicos et conversos ecclesie predictae intentavi et intentare possem conjunctim vel divisim, et nunquam easdem aliquo modo via juris aut alias per me vel aliam submissam personam persecuturus, et si coram aliquo iudice in Romana curia aut extra prefatos citari procuravi aut citationem vel processum obtinui, eos ab illis liberabo et indemnes servare volo et permitto. — Omnibus sic peractis supradicti domini: Nicolaus Constant. episcopus et magister Bartoldus Cramer de Helmstede, rector parochialis ecclesie in magna Rodensleve nomine et ex parte Petri Globbik, Nicolai Sukelant et Tyle Strodene, conversorum, in dicta scriptura expressorum, et suorum